



অবিলম্বে প্রকাশের উদ্দেশ্যে: 12/12/2022

গভর্নর ক্যাথি হোকল

নিউ ইয়র্কের কৃষকদের সহায়তা করার জন্য গভর্নর হোকলের ওয়ার্কিং গ্রুপ গঠনের আহ্বান

এই নির্দেশনা কৃষি কমিউনিটির সঙ্গে আয়োজিত গ্রীষ্মকালীন গোলটেবিল আলোচনার সময়ে সংগৃহীত মতামতগুলো মোকাবেলা ও বাস্তবায়ন করবে

ওয়ার্কিং গ্রুপের সদস্যদের মধ্যে নিউ ইয়র্কের কৃষি খাতের সাথে সম্পর্কিত স্টেট সংস্থা ও স্টেটহোল্ডাররা অন্তর্ভুক্ত থাকবে

গভর্নর হোকল আজ ঘোষণা করেছেন যে স্টেট সংস্থা এবং কৃষি কমিউনিটির স্টেটহোল্ডারদের নিয়ে গঠিত একটি বিশেষ ওয়ার্কিং গ্রুপ নিউ ইয়র্কের কৃষকদের সহায়তা করা এবং কৃষি অর্থনীতিকে সমৃদ্ধ করতে সাহায্য করার জন্য সহযোগী হয়ে কাজ করবে। এই গ্রীষ্মে, গভর্নর হোকল এবং লেফটেনেন্ট গভর্নর ডেলগাডো লং আইল্যান্ড, নর্থ কান্ট্রি, হাডসন ভ্যালি, এবং ফিঙ্গার লেকস এলাকায় কৃষক ও শিল্পখাতের স্টেটহোল্ডারদের একটি বৈচিত্রপূর্ণ গ্রুপের সঙ্গে স্টেটের কৃষি শিল্প সম্পর্কে তাদের উদ্বেগের কথা শোনার জন্য কয়েকটি ধারাবাহিক গোলটেবিল আলোচনার আয়োজন করেন। কৃষক ও শিল্পখাতের স্টেটহোল্ডারদের উদ্বেগগুলোর প্রতি সাড়া দিয়ে গভর্নরের নির্দেশনা অনুযায়ী গঠিত হতে যাওয়া এই স্ট্র্যাটেজিক ইন্টারএজেন্সি টাস্ক ফোর্স লেসেনিং অবস্টাকলস টু এগ্রিকালচার ওয়ার্কিং গ্রুপ (Strategic Interagency Task Force Lessening Obstacles to Agriculture Working Group)-এর সভাপতি ও আহ্বায়ক হিসেবে দায়িত্ব পালন করবেন কৃষি ও বাজার বিভাগের (Department of Agriculture and Markets) কমিশনার রিচার্ড বল।

"কর্মচারী ও নিয়োগকর্তা উভয়ের চাহিদাগুলো পূরণ করতে এবং নিউ ইয়র্ক স্টেটে কৃষিখাতের সমৃদ্ধি নিশ্চিত করতে সহায়তা করার জন্য আমরা কৃষি কমিউনিটির সঙ্গে হাতে হাতে কাজ করে যাচ্ছি," বলেছেন গভর্নর হোকল। "এই ওয়ার্কিং গ্রুপ নিউ ইয়র্কের কৃষি শিল্পের মধ্যকার বেশ কিছু চ্যালেঞ্জ মোকাবেলায় গুরুত্বপূর্ণ ভূমিকা পালন করবে, এবং আমার প্রশাসন কৃষকদের চাহিদাগুলো পূরণ করা এবং আমাদের স্টেটে কৃষির অবস্থা সম্পর্কে পুনরায় ভাবনার জন্য কৃষকদের সঙ্গে অব্যাহতভাবে কাজ করে যাবে।"

"আপস্টেট এলাকার স্থানীয় বাসিন্দা এবং কংগ্রেসে হাজার হাজার পারিবারিক খামারের সাবেক প্রতিনিধি হিসেবে, আমার জানা আছে যে কৃষিকাজ শুধুই একটি ব্যবসা নয়, এটি একটি

জীবনযাত্রার পদ্ধতি," বলেছেন লেফটেনেন্ট গভর্নর অ্যান্টনিও ডেলগাডো। "আমাদের খামারগুলো যখন সংগ্রামের মুখোমুখি হয়, আমরা সবাই সেই সংগ্রামের সম্মুখীন হই, আর সে কারণে গভর্নর ও আমি নিউ ইয়র্কের উৎপাদনকারীদের চাহিদাগুলো অনুধাবন করা এবং সেগুলো পূরণ করার জন্য অঙ্গীকারাবদ্ধ রয়েছি। স্টেটজুড়ে কৃষকদের কাছ থেকে শুনতে পাওয়া উদ্বেগের বিষয়গুলো মোকাবেলা করা এবং তাদের অব্যাহত সাফল্য নিশ্চিত করার জন্য সমাধান প্রদান করা আমাদের গুরুদায়িত্ব।"

চ্যালেঞ্জগুলো শনাক্ত করতে এবং স্টেটের কৃষকদের সঙ্গে সংযোগ রক্ষাকারী সংস্থাগুলো যাতে স্পষ্টভাবে যোগাযোগ করে, ফলপ্রসূ উপায়ে ইন্টারঅ্যাক্ট করে, এবং ভবিষ্যত উন্নয়নের দিকে মনোযোগী হওয়ার মাধ্যমে বোঝাস্বরূপ শর্তগুলো কমিয়ে আনে সে বিষয়টি নিশ্চিত করতে এই গ্রুপ কৃষি পণ্যের খাতগুলোর প্রতিনিধিদের সাথে একসঙ্গে কাজ করবে। এই গ্রুপের চূড়ান্ত সুপারিশগুলোতে অধিবেশনগুলো থেকে পাওয়া মতামত, যার মধ্যে আমাদের স্কুলগুলোতে আরো বেশি দুগ্ধপণ্য নিয়ে আসা অন্তর্ভুক্ত রয়েছে, পরিবহন এবং সার্টিফাইড ড্রাইভার খুঁজে পাওয়া সংক্রান্ত চ্যালেঞ্জসমূহ, এবং স্টেটের জলবায়ু পরিবর্তন প্রচেষ্টাগুলোর সাথে সঙ্গতি রক্ষা করে নতুন বাজারের অ্যাক্সেস পাওয়ার প্রয়োজনীয়তা, ইত্যাদি প্রতিফলিত হবে। নিউ ইয়র্কে খাদ্য উৎপাদন সম্প্রসারণ এবং এই কাজে সহায়তার সাথে সম্পর্কিত গুরুত্বপূর্ণ বিষয়গুলোর প্রতি অবিলম্বে ও সময়মতো সাড়া দান করার জন্য গভর্নর এবং স্টেট সংস্থাগুলো কর্তৃক যেসব প্রশাসনিক পদক্ষেপ গ্রহণ করা যায় সেগুলোর উপর জোর দেওয়া হবে।

কথোপকথন, এবং চারটি গোলটেবিল অধিবেশনের মাধ্যমে পাওয়া মতামতের উপর ভিত্তি করে, এই টাস্ক ফোর্স প্রাথমিক পর্যায়ে যেসব বিষয়ের প্রতি মনোযোগ দেবে তার মধ্যে কয়েকটি হচ্ছে:

- **পরিবহন** - কৃষি পণ্যদ্রব্য পরিবহনের সাথে সম্পর্কিত চ্যালেঞ্জসমূহ মোকাবেলা এবং একইসাথে বাজার পর্যন্ত পণ্য নিয়ে যাওয়ার জন্য সড়ক, সেতু ও অন্যান্য অতি গুরুত্বপূর্ণ অবকাঠামোগুলোতে বিনিয়োগের প্রয়োজনীয়তা অনুধাবন করা।
- **শ্রম** - আধুনিক খামারগুলো পরিচালনার জন্য আবশ্যিক দক্ষতা ও কর্মীদের নিয়ে একটি বৈচিত্রপূর্ণ শিল্প গড়ে তুলতে সহায়তা করার জন্য পরবর্তী প্রজন্মের কৃষক ও কৃষিকর্মীদের শনাক্ত করা এবং গড়ে তোলা।
- **পরিবেশ** - সার ব্যবস্থাপনা, খামারের মধ্যে শক্তি উৎপাদন, এবং বিকল্প জ্বালানি উৎসের দিকে উত্তরণের ক্ষেত্রে মূলধনী বিনিয়োগের প্রতিবন্ধকতাসমূহ মোকাবেলা ও অপসারণ করা, যেসব প্রতিবন্ধকতা কিছু খামারের জন্য স্টেটের জলবায়ু লক্ষ্যগুলো পূরণ করা এবং কার্বন নিরপেক্ষ হয়ে উঠার সক্ষমতা সীমিত করে দিয়েছে।
- **কর্মীদের জন্য আবাসন** - কর্মীদেরকে খামারের কাছাকাছি একটি নিরাপদ বসবাসের পরিবেশ প্রদান করতে এবং টেকসই ও দৈনিক উৎপাদন নিশ্চিত করতে কর্মীদের জন্য আবাসন বৃদ্ধি করা।
- **ট্র্যাক্সেশন** - সম্পত্তির কর প্রশাসন সম্পর্কে অধিকতর স্পষ্ট নির্দেশনা প্রদান এবং বিদ্যমান কর সংক্রান্ত ত্রাণ কর্মসূচিগুলোর অ্যাক্সেস উন্নত করা।
- **কৃষিজমির সুরক্ষা** - বিদ্যমান কর্মসূচিগুলো পর্যালোচনা করা এবং উৎপাদনশীল কৃষিজমি যাতে অ্যাক্সেসযোগ্য অবস্থায়, উৎপাদনে নিয়োজিত থাকে, এবং নিউ

ইয়র্কবাসীদের জন্য খাবারের যোগান দেওয়া অব্যাহত রাখে সে বিষয়টি নিশ্চিত করতে স্টেট কিভাবে পদক্ষেপ গ্রহণ করতে পারে সে উপায়গুলো শনাক্ত করা।

- **ক্রয়প্রক্রিয়া সম্প্রসারণ** - স্থানীয় সাপ্লাই চেইন গড়ে তুলতে এবং নিউ ইয়র্কের খামারগুলোর সঙ্গে আরো ভালোভাবে সংযোগ স্থাপন করতে বিভিন্ন স্টেট সংস্থা কর্তৃক স্থানীয় খাদ্য পণ্যগুলোর ক্রয়প্রক্রিয়া সম্প্রসারণ করা।

গভর্নরের কার্যালয়ে একটি চূড়ান্ত প্রতিবেদন জমা দেওয়া হবে এবং এই প্রতিবেদনে ওয়ার্কিং গ্রুপের সুপারিশ অনুযায়ী, নিউ ইয়র্কের কৃষকদের জন্য ব্যবসা প্রতিষ্ঠানগুলোকে মূলধারায় নিয়ে আসতে সাহায্য করার জন্য স্টেট সংস্থাগুলো গ্রহণ করতে পারে এমন পদক্ষেপগুলো শনাক্ত করা হবে।

এই ওয়ার্কিং গ্রুপের সদস্যদের মধ্যে কয়েকটি স্টেট সংস্থার প্রতিনিধি অন্তর্ভুক্ত থাকবেন, যেসব সংস্থার মধ্যে নিউ ইয়র্ক স্টেটের কৃষি ও বাজার বিভাগ; শ্রম বিভাগ (Department of Labor); পরিবহন বিভাগ (Department of Transportation); পরিবেশ সংরক্ষণ বিভাগ (Department of Environmental Conservation); স্বাস্থ্য বিভাগ (Department of Health), ডিপার্টমেন্ট অফ পাবলিক সার্ভিস (Department of Public Service), ডিপার্টমেন্ট অব ট্যাক্সেশন এন্ড ফাইন্যান্স (Department of Taxation and Finance); নিউ ইয়র্ক স্টেটের জ্বালানি গবেষণা ও উন্নয়ন কর্তৃপক্ষ (New York State Energy Research and Development Authority); এম্পায়ার স্টেট ডেভেলপমেন্ট (Empire State Development); এবং স্টেট লিকার অথরিটি (State Liquor Authority) অন্তর্ভুক্ত রয়েছে:

- জিম বিটনার, বিটনার সিংগার অরচার্ডস অ্যাপলটন, NY (Bittner Singer Orchards Appleton, NY)-এর মালিক এবং নিউ ইয়র্ক হর্টিকালচার সোসাইটির (New York Horticulture Society) অন্তর্বর্তীকালীন পরিচালক
- কামা ডাউকুর, বিগ ড্রিমস ফার্ম (Big Dreams Farm)-এর মালিক
- ডেভিড ফিশার, ম্যাপলভিউ ডেইরি (Mapleview Dairy)-এর মালিক এবং নিউ ইয়র্ক ফার্ম ব্যুরো (New York Farm Bureau)-এর প্রেসিডেন্ট
- জেফরি এম. ফেটার, স্কলারো ফেটার গ্রিজান্টি এন্ড ম্যাকগাফ, P.C. (Scolaro Fetter Grizanti & McGough, P.C.)
- সুজান জ্যাফি, স্নোড্যান্স ফার্ম (Snowdance Farm)-এর মালিক
- মরিন টোরি মার্শাল, টোরি ফার্মস (Torrey Farms)-এর সহ-মালিক
- সারা ড্রিসেল নিকলেস, ড্রিসেল ফার্মস (Dressel Farms)-এর মালিক
- ব্রায়ান রিভস, রিভস ফার্ম (Reeves Farms)-এর অংশীদার এবং নিউ ইয়র্ক ভেজিটেবল অ্যাসোসিয়েশন (New York Vegetable Association)-এর প্রেসিডেন্ট
- টোনিয়া ভ্যান স্লাইক, নর্থইস্ট ডেইরি প্রোডিউসার্স অ্যাসোসিয়েশন (Northeast Dairy Producers Association)-এর এক্সিকিউটিভ ডিরেক্টর
- অস্কার ভিজক্যারা, বেকার ফার্মস (Becker Farms)-এর অংশীদার
- কিম ওয়াগনার, স্টাউট্রিজ ভাইনেয়ার্ড (Stoutridge Vineyard)-এর মালিক
- জেফ উইলিয়ামস, ডিরেক্টর অব পাবলিক পলিসি, নিউ ইয়র্ক ফার্ম ব্যুরো

নিউ ইয়র্ক স্টেটের কৃষি ও বাজার বিভাগের কমিশনার রিচার্ড এ. বল বলেন, "আমাদের কৃষকদের সহায়তা করার ক্ষেত্রে কয়েক বছর ধরে আমরা অনেক অগ্রগতি অর্জন করেছি, কিন্তু আমাদের সামনে আরো বেশি কাজ বাকি রয়ে গেছে, বিশেষ করে কর্মীদের উন্নয়ন, কৃষি শিক্ষা, এবং ভবিষ্যতের জন্য একটি শক্তিশালী, প্রাণবন্ত শিল্প নিশ্চিত করার ক্ষেত্রে। আজ আমরা আমাদের সামনে থাকা কিছু চ্যালেঞ্জিং সমস্যা মোকাবেলা করা এবং সুস্পষ্ট সমাধান খুঁজে বের করার মাধ্যমে, নিউ ইয়র্ক স্টেট যাতে কৃষি উৎপাদনের ক্ষেত্রে দেশের নেতৃত্ব দেওয়া অব্যাহত রাখতে পারে সে বিষয়টি নিশ্চিত করার জন্য, আমাদের সঙ্গী স্টেট সংস্থাগুলো এবং কৃষি খাতে আমাদের অংশীদারদের সাথে একসঙ্গে কাজ করার একটি সুযোগ পেয়েছি।"

নিউ ইয়র্ক ফার্ম ব্যুরো-এর প্রেসিডেন্ট ডেভিড ফিশার বলেন, "নিউ ইয়র্কের কৃষকরা বেশ কিছু নিয়ন্ত্রণমূলক, শ্রম ও বাজার সংক্রান্ত চ্যালেঞ্জের সম্মুখীন হয়ে থাকে যা এই স্টেটে আমাদের ব্যবসা বেড়ে উঠার সক্ষমতাকে সীমিত করে দেয়, যেসব চ্যালেঞ্জের মধ্যে অনেকগুলো নিয়ে আমরা এই গ্রীষ্মে গভর্নর হোকল যখন আমার পরিবারের ডেইরি ফার্ম পরিদর্শনে এসেছিলেন তখন তার সঙ্গে কথা বলেছি। আমি SILO টাস্ক ফোর্সের সঙ্গে সেই আলাপচারিতা চালিয়ে যাওয়ার প্রত্যাশা রাখি। এটি সাধারণ বিবেচনা বোধের সাথে সঙ্গতিপূর্ণ কর্মপ্রচেষ্টাগুলো শনাক্ত করার এবং আমাদের স্টেটের খাদ্য ব্যবস্থাকে সহায়তা করার একটি সুযোগ।"

নিউ ইয়র্ক স্টেট ভেজিটেবল গ্রোয়ার্স অ্যাসোসিয়েশন (New York State Vegetable Growers Association)-এর প্রেসিডেন্ট, ব্রায়ান রিভস বলেন, "নিউ ইয়র্কের খামারগুলোর উপর থেকে নিয়ন্ত্রণমূলক বোঝা কমিয়ে আনার উপায়সমূহ খুঁজে বের করতে এবং আমাদের স্টেট সরকার যেভাবে আমাদের মতো কৃষি খাতের মানুষদের সঙ্গে ইন্টারঅ্যাক্ট করছে তার কার্যকারিতা উন্নত করার জন্য, আমি কৃষি খাতে এবং কৃষি ও বাজার বিভাগে আমার সহকর্মীদের সাথে কাজ করে যাওয়ার প্রত্যাশা রাখি। নিউ ইয়র্কে একটি শক্তিশালী কৃষি শিল্প গড়ে উঠা আমাদের নাগরিকদের সবার জন্য সব সময় এবং সব পরিস্থিতিতে পুষ্টিকর, তাজা, স্থানীয়ভাবে উৎপাদিত খাবারের অ্যাক্সেস নিশ্চিত করতে সাহায্য করবে। সাম্প্রতিক মহামারীর পরিপ্রেক্ষিতে, এটি আগের যেকোনো সময়ের চেয়ে এখন অনেক বেশি গুরুত্বপূর্ণ।"

নর্থইস্ট ডেইরি প্রোডিউসার্স অ্যাসোসিয়েশন-এর এক্সিকিউটিভ ডিরেক্টর, টোনিয়া ভ্যান স্লাইক বলেন, "নিউ ইয়র্কের ডেইরি ফার্মগুলোর কণ্ঠস্বর হিসেবে ভূমিকা পালন করা সংস্থা হিসেবে, নর্থইস্ট ডেইরি প্রোডিউসার্স অ্যাসোসিয়েশন SILO টাস্ক ফোর্স পুনরায় একত্রিত হওয়ার বিষয়টিকে কৃষক, প্রক্রিয়াকারক, ও পরিবহনকারীদের জন্য প্রতিবন্ধকতাসমূহ অপসারণ করা এবং নিউ ইয়র্কের কৃষি অর্থনীতিকে শক্তিশালী করবে এমন সুযোগসমূহ তৈরি করার লক্ষ্যে গৃহীত একটি গুরুত্বপূর্ণ পদক্ষেপ হিসেবে বিবেচনা করছে। কৃষকরা সরাসরি স্টেটের নেতৃত্বের সঙ্গে নিজেদের উদ্বেগগুলোর কথা শেয়ার করার জন্য গোলটেবিল আলোচনা ও লিসেনিং সেশনগুলোতে অংশ নিয়েছেন এবং আমরা কৃতজ্ঞ যে তাদের মতামতগুলো শোনা হচ্ছে। আমাদের পারিবারিক খামারগুলোতে শ্রম ও পরিবেশগত দায়িত্বপূর্ণ ব্যবস্থাপনা শীর্ষ অগ্রাধিকার লাভ করে থাকে। আগামী প্রজন্মগুলোর জন্য একটি উপযুক্ততাসম্পন্ন কৃষি শিল্প বজায় রাখার

জন্য কৃষকদের সম্মুখীন হওয়া এসব চ্যালেঞ্জ মোকাবেলা করতে সহযোগী হয়ে কাজ করা আমাদের জন্য অত্যন্ত গুরুত্বপূর্ণ। নিউ ইয়র্কের খাদ্য সরবরাহ এটির উপর নির্ভরশীল।"

বিটনার সিংগার অরচার্ডস-এর মালিক এবং নিউ ইয়র্ক স্টেট হটিকালচার সোসাইটির অন্তর্বর্তীকালীন পরিচালক, জিম বিটনার বলেন, "SILO কমিটি উৎপাদন কৃষি খাতের আমাদের মতো ব্যক্তিদের জন্য স্টেট সরকারের অনেকগুলো ডিপার্টমেন্টের সঙ্গে ইন্টারঅ্যাক্ট করার অনন্য সুযোগ প্রদান করেছে। এর ফলে, আমরা একসঙ্গে কাজ করতে পারছি যাতে নিউ ইয়র্কের সব নাগরিককে সুরক্ষিত রাখার জন্য বাস্তবায়ন করার প্রয়োজন হওয়া নিয়ম ও বিধিমালা প্রণয়নের ক্ষেত্রে কৃষি খাতের বাস্তবতা ও চ্যালেঞ্জগুলোও বিবেচনায় নেওয়া হয়। আমি এমন সংলাপে অংশ নেওয়ার প্রত্যাশা রাখি যা কৃষি খাতকে নিউ ইয়র্কে একটি অর্থনৈতিক চালিকাশক্তি হিসেবে এটির ভূমিকা অব্যাহত রাখার সক্ষমতা প্রদান করবে।"

স্কলারো ফেটার গ্রিজান্টি এন্ড ম্যাকগফ, P.C.-এর প্রেসিডেন্ট এবং বিজনেস এন্ড ট্যাক্স প্র্যাকটিস এন্ড এগ্রিকালচারাল সার্ভিসেস গ্রুপস (Business and Tax Practice and Agricultural Services Groups)-এর চেয়ারম্যান, জেফরি এম. ফেটার বলেন, "35 বছরেরও বেশি সময় ধরে নিউ ইয়র্ক স্টেটজুড়ে খামার ও খামারী পরিবারগুলোর সঙ্গে কাজ করতে পারা একটি আনন্দের ও সম্মানজনক ব্যাপার। কৃষি খাতের সম্মুখীন হওয়া ক্রমবর্ধমান চ্যালেঞ্জগুলোর পরিপ্রেক্ষিতে, এসব সমস্যা অনুধাবন করা এবং মোকাবেলা করার জন্য স্টেট সংস্থাগুলোর মধ্যকার একটি কমন ফোরাম হিসেবে এই টাস্ক ফোর্স প্রতিষ্ঠিত হওয়ার বিষয়টিকে স্টেটের এই সর্ববৃহৎ শিল্পখাতে কর্মরত এবং সেবা প্রদানকারী সবাই স্বাগত জানাবে।"

কৃষি নিউ ইয়র্কের অর্থনীতির অত্যন্ত গুরুত্বপূর্ণ একটি খাত। এই স্টেটে 33,000 খামার রয়েছে যেগুলো বিশ্বের সবচেয়ে সেরা কিছু খাদ্য ও পানীয় উৎপাদন করেছে। নিউ ইয়র্কের আনুমানিক 20 শতাংশ জমি, অথবা প্রায় 7 মিলিয়ন একর জায়গা হচ্ছে কৃষিজমি। নিউ ইয়র্ক দেশের মধ্যে প্রধান দুগ্ধপণ্যগুলো, যেমন দই ও ক্রিম চিজ, উৎপাদনের ক্ষেত্রে প্রথম অবস্থানে, আপেল ও ম্যাপল উৎপাদনের ক্ষেত্রে দ্বিতীয় অবস্থানে, এবং আঙুর ও বাঁধাকপি উৎপাদনের ক্ষেত্রে তৃতীয় অবস্থানে রয়েছে।

###

আরো সংবাদ পাওয়া যাবে এখানে: www.governor.ny.gov-এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418